

中華律藏

中華律藏

第十九卷

歷代大藏經律部文獻・中國撰述〔十〕

國家圖書館出版社

曇無德部四分律刪補隨機羯磨卷第八

唐京兆崇義寺沙門 道宣 撰集

金陵華山後學比丘 讀體 續釋

●諸設戒法篇第五

釋 說戒即誦戒也。而云諸者。准說戒羯磨。始從僧法終至心念。共有一十六法。類聚為篇。次之第五。今但依文釋義。續法其誦戒加儀恒式。俱說黑白半月布薩正範詳明。

應得勒伽論云云。何布薩捨諸惡不善法。證得白法。究竟梵行。半月自觀犯與不犯。清淨身口也。

釋 惡法謂結使煩惱。我父為本報感三途極苦。白法謂無漏道業。梵行為本果證涅槃寂樂。欲證涅槃。必須究竟梵行。故於前白半月至後黑半月。其間自觀犯與不犯。若憶有犯。應對無犯者說露。冀改前愆。一則遮現在之更為。二則懲未來之慢。法若不犯者。身口清淨。知梵行無虧也。

善見云。何得知正法久住。毗尼母云。清淨者名布薩義。

釋 准此二論原文。善見云。何得知五法久住。若說戒法不壞者是。母論云。若犯七衆不淨人前。應止不說戒名。布薩義。今文以善見為問。母論為答。其義俱收。布薩愈顯矣。所以世尊制諸比丘半月。須盡集聽。別解脫經。合善法而增茂。注持之本。斯其上歟。

○僧說戒法

釋 創制之緣。佛在羅閱城時。諸外道月八日十四日十五日集會。諸人往來。共為知友。給與飲食。極相愛念。瓶沙王登閣遙見。問知其由。王即下閣。往禮世尊。白所見事。願佛今勅比丘。亦三時集會。我及羣臣。亦來聚會。佛默允已。王禮辭去。故聽比丘三時集會。但是說法後。乃復制布薩。佛在僧中。親自說戒。一時布薩。日大迦賓寃在仙人住處。黑石山。側於靜處。思惟作念。我今若往說戒。若不往。我常第一清淨。爾時佛知。從耆闍崛山沒於黑石山。出在迦賓寃前。敷座而坐。迦賓寃禮世尊足。已世尊知而故問。彼答云。爾佛言如是如是。如汝



上卷上
第二

所言說戒法。汝當恭敬尊重承事。若汝不恭敬布薩承事者。雖當恭敬尊重承事。是故應往說戒。不應不往。應當步往。不應乘神足往。我亦當往彼受教。而往世尊。以此因緣告諸比丘。聽一住處。和一處說戒。今願云。僧說戒法者。由佛不在僧中。故准律復有緣起。一時佛在瞻波國伽伽河側。十五日說戒。世尊露地而坐。衆僧前後圍遶。初夜已過。阿難起座。禮佛足。請說戒。世尊默然。如是中夜已過。復請說戒。佛亦默然。至後夜已過。明相出現。阿難復再三請佛說戒。佛告阿難。衆中有不淨者。若衆中有不淨者。欲令如來在中說戒。無此理也。時目連觀衆人心。見有一不淨人。去佛不遠而坐。既非沙門。非梵行。而稱沙門。言是梵行。目連訶責。捉手牽出門外。已還。謂世尊說戒。因此制自言治告諸比丘。自今已去。汝等自作羯磨說戒。有犯者。不得聞戒。不得向犯者解罪。有犯者。不得受他解罪。此乃僧法說戒之定制也。

若四人已上。當白已說戒。於十四日十五日十六

日說戒。聽上座於布薩日白僧言。

釋 四人已上者。謂若二十乃至百千比丘也。當白已說戒者。白有二種。一者由界廣衆多房散住。別恐衆不知衆會之處。白衆知已。至時便往。即此白詞。是二者白即羯磨。即後所續說戒和法是。於十四日十五日十六日說戒者。佛言若說戒日。有客比丘來。少客比丘十四日說戒。舊比丘十五日說戒。客比丘當從舊比丘。若不者。如法治。此謂就多同十五日說戒。若客比丘來等。亦如是。若客如法治。乃越毗尼罪。若客比丘來等。亦如是。若客比丘來多。客比丘十四日說戒。舊比丘十五日說戒。舊比丘少。應從客比丘求和合。彼與和合者。善若不與和合。舊比丘應出界外說戒。客比丘同衆。若客比丘十五日舊比丘十四日客十六日舊比丘十五日亦如上。當從及求和合。准斯二日說戒。嚴制則外來此住客舊。雖殊布薩之法。必須和合。今遺末世希見。欽遵推情。有二一者。或自于禁章含羞。覆過。懼衆不臨。次者。欠學毗尼。偏執爾我。故不隨集。嗟夫。於通計別違佛語。而恣癡心布薩。

如下一有

敗壞正法沒矣律云聽上座於布薩日唱言今日
衆僧說戒今此白詞是據唱潤文其爲上座者應
如是白言

大德僧聽今白月十五日若黑月大十五日布薩白

衆僧集某處說戒一

如是白已上座應教年少比丘具淨水燈火舍羅
聽作時若打鍵槌及餘時法若告言諸大德布薩
說戒時到僧集已比座共相檢校知來者不來者
其諸莊嚴說戒衆具廣如鈔中

釋文云其諸莊嚴說戒衆具廣如鈔中者斯爲
聖制尊嚴在行持者整肅其規模範草勿由作辦
時彷彿於事故引鈔文宜當如法今准律略釋表
法以明鈔義也律中佛言若半月半月布薩日掃
灑敷座備燈火水器舍羅爲上座者當教年少比
丘而年少者依教作辦若上不教下不辦者俱犯
越毗尼罪掃灑其處者以地喻心地掃灑如懺悔
表半月布薩清淨身心凡有微細過咎必須一一
檢除也敷座有二一是高座爲說者登一是下座

爲聽者設其高座宜列香花以香表信花表因故
非正信淨因修證無從也復備燈火預防夜暗燈
火表智暗喻癡障以顯智起則無明破也當具水
器就中分二一者謂洗足水瓶忍足垢汗僧地敷
二者謂淨手盆欲手潔證信無慢以水表定垢譬
塵煩不藉定力則塵情渾濁莫能澄靜也舍羅此
翻云籌乃記數之軌極短五指齊極長一掌肘處
如小指細不過筋用有二別一者知報僧數而受
施觀二者能滅淨事以同法食餘時法者謂除嚼
匙聽作時集若稱某時若量影時若自言此制隨
同住衆多寡使用也

○說戒和法

續上文但云僧集已比座共相檢校知來者不
來者未明其法今准單白綱目依說戒建度續入
律云爾時說戒日住處有一比丘入房閉戶而眠
諸比丘說戒畢從座起而去眠者聞聲即起問云
諸大德欲何處去不說戒耶報云我等已說戒竟
汝向者在何處來答言我閉戶眠耳諸比丘以此

事曰。佛言。不得說戒日。在房中眠。自今已去。聽此座者。共相檢校。知來者不來者。應先白。然後說戒。作如是白。

大德僧聽。今十五日。衆僧說戒。若僧時到。僧忍聽。和合說戒。白如是。

釋。上云。白即羯磨。此法是也。白已。隨緣廣略。如法說戒。其間七非。於集法緣成篇內業已詳明。茲不重陳。

續。一往黑白半月誦戒藏中。佛陀耶舍尊者別譯四分戒本流通卷首。有十二頌。作前方便問答。單白和集羯磨。誦戒序次第。誦二百五十戒相畢。有七佛略教誡。偈並迴向頌。其首尾之頌。乃結集者所置。由分止作各攝歸門。故於止持會集中闕而不載。今錄附此。僧說戒法。略釋其義。俾知廣誦大綱。除有誦戒儀規。俱明兩乘布薩正範內。

△初明卷首十二頌。分爲九釋。

舊首禮諸佛。皮法比丘僧。今演毗尼法。令正法久住。

釋。此一頌上二句。是歸敬三寶。下二句。顯戒當說能住持正法也。凡作法事。必須先禮三寶。以求加被。使內障潛消。外魔無燒。諸首者。謂下首至地。少久乃起。禮者。嚴也。進退有度。尊卑有分。之儀。西域以五體投地爲之。致敬此方。以稽首爲之。盡恭今隨國風。故云稽首也。又稽首者。身業致敬。身故敬時。口稱德號。心存觀想。是爲三業供養。佛者。具云佛陀。此翻云覺覺具三義。一自覺悟性。眞常了惡。忘二覺他。運無緣慈。度有情衆。三覺行圓滿。窮源極底。行圓果滿。法者。乃如來隨機稱性所說清淨法要。衆生信依修行。得大解脫。必超涅槃。著以養釋法。是軌持之義。謂軌生物解。任持自性。一切諸法。各守自性。任捨不捨。各守自性。如水就於下。火揚於上。性各決定。此是法體。軌謂軌範。可生物解。如火熟。食用水浮舟。各取其則是。爲法用也。比丘僧者。含三義。具六和。准前所釋。十誦云。有五種僧。一無慍愧。僧破戒者。是二。羼羊僧。凡夫鈍根。無智慧。如諸羼羊。聚在一處。不知布薩。不知布薩。

羯磨不知說戒不知法會三別衆僧於一界內處
處別作羯磨四清淨僧凡夫持戒人五眞實僧學
無學人此中所證正體後之二僧由眞實僧能令
勝義正法久住由清淨僧能令世俗正法久住今
演毗尼法者今謂正當說戒之時揀非過未演乃
宣布流通也梵語毗尼此翻滅然滅有三義一滅
業非謂不論盜等故律中二滅煩惱煩惱是殺業
治伏貪等令離是故三得滅果故經云戒淨有智
如來制增上戒學三得滅果慧便得第一義
宜祖云毗尼翻滅及調伏者是從功用爲名非正
譯也正翻云律律者法也從教爲名斷制重輕開
遮持犯非法不定俗有九流法流居一故世法律
皆約刑科道與俗違刑名乃異至於處斷必依常
法故翻律也令正法久住者正法是出世無漏聖
道也正法住世教行果三悉皆具足由衆羯磨清
淨布薩則戒身成就定慧發生無漏聖果庶可希
冀若廢布薩戒行不淨則正法滅亡無日矣五分
律云毗尼是佛法壽命毗尼住則正法久住故云
今演毗尼法令正法久住

戒如海無涯 如寶求無厭 欲護聖法財
衆集聽我說

釋 此一頌上二句顯戒功德下二句勸聽衆益
也據度云海水有八奇特法所以阿修羅樂樂住
一者一切衆流皆往投之二者潮不失隘三者五
大河投海而失本名四者河及天雨盡歸而無增
減五者同一鹹味六者不受死屍七者多出珍寶
八者大形所居我法中亦有八奇特使諸弟子見
已於中而自娛樂一者我諸弟子漸次學戒皆歸
我法二者我諸弟子住於戒中至死不起三者四
姓捨家皆稱沙門四者於我法中以信堅固捨家
學道入無餘涅槃界而涅槃界無增減五者同
一解脫味六者犯戒惡法雖在衆中坐常遠離衆
衆僧亦離彼遠七者多出珍寶所謂四念處乃至
八賢聖道人者受大形所謂四阿羅漢本律云
毗奈耶大海深際森羅知差別相無窮豈我能詳
悉大師律教海甚深難可測故云戒如海無涯息
如寶求無厭者寶即海中清淨如意珠王能隨衆



生所求於念念中雨滿圓淨提一切樂具而寶體終無損滅佛法海中尸羅皎潔能念中出生一切念處正動如意根力覺道等諸勝善品乃至三業聖果而尸羅體終無變易如彼珠王求施無厭也聖法財者略則即信戒聞捨慧慚愧七法廣即三十七品助道法也然此法財非戒無能守護而戒有防非止惡之功如強兵猛將能伏怨敵如堅城深壘能禦魔賊不令得便而使侵凌故是以欲護此聖法財衆集聽我說衆謂四清淨比丘已上乃至百千集謂身心和集聽謂耳根發識聞其如律宣說在座比丘各各如說奉持也

欲除四棄法 及滅僧殘法 障三十捨墮
衆集聽我說

釋 此一頌明聽戒離過也四棄即四重根本僧殘即十三僧伽婆尸沙捨墮即三十尼薩耆波逸提如止持中釋然戒法五篇今止言三者餘二從輕文略義攝豈但聞戒而能生諸善品守護法財實能永斷棄非清淨污染是故欲除棄滅殘障止

捨墮僧伽應和集聽我宣說而遠離斯過也
毗婆尸式棄 毗舍拘留孫 拘那含牟尼
迦葉釋迦文 諸世尊大德 爲我說是事
我今欲善說 諸賢咸共聽

釋 此前一頌總舉七佛後一頌述說囑聽也毗婆尸亦云維衛此名有四義以其智圓滿如月則云徧見曉盡悉亡則云淨觀既圓且淨則云勝觀又云勝見式棄亦名尸棄此翻云火亦翻持誓謂無差別智最爲尊勝處於頂心毗舍具云毗舍淨亦名毗棄羅此翻徧一切自在以其智圓果滿兩足稱尊已上三佛在過去莊嚴劫末後出世也拘留孫此翻所應斷亦翻作用莊嚴謂能斷一切煩惱永盡無餘萬德莊嚴拘那含牟尼此翻金寂又翻金仙金者體堅五色以黃爲上光最明絕寂者表無礙智寂然不動謂此世尊得堅固無上無礙智寂然不動迦葉此翻飲光謂身光顯赫吞蔽一切光明故釋迦文又名釋迦牟尼此翻能備亦翻能仁寂默寂默故不住於生死是自利義能仁故

不住於涅槃。是利他義。內冥智理。外揚德化。智悲雙運。立斯嘉號也。已上四佛於賢劫初次第出世。化道所以處處說此七佛者。一謂在百小劫內。淨居天人所曾見。故二謂本師修相好業。從毗婆尸佛時。為始。故世尊者十號具足。九界同仰。為諸天人師。居衆聖中。王世出世間。極尊無等大德者。謂諸世尊等。濟羣生。具大慈德。折攝教化。具大威德。故為我說。是事者。此句正明師實授受。顯非臆說也。我即現前衆中。說戒者。自稱是事。即四事十三事。乃至一百衆學事等。言善說者。謂如法如律如佛所教。而說詞句無差謬也。諸賢咸共聽者。此句遮揀別衆不和。故諸者從初近圓無夏比丘。乃至百臘上座。皆應集聽。始從戒序。乃至七佛偈。經緣慮合掌一心諦聽也。賢乃有德之稱。猶云大德。僧今以世尊稱大德。故僧以諸賢易之。爾譬如人毀足。不堪有所涉。毀戒亦如是。不得生天人。欲得生天上。若生人間者。常當謹戒足。勿令有毀損。

釋 此前一頌上二句設喻。下二句法合以明障生善道也。後一頌上二句示生善趣。下二句法喻雙舉。誠護善因也。譬如者。乃假設之詞。毀謂破壞。涉謂蹂躪。天謂欲色無色三界諸天也。人謂四有洲中人倫也。而言生人天者。以西域人多。是求樂生天。佛出世間。隨彼所欲。為說人天因果。然非聖意。亦非律旨。雖云人天實為涅槃所謂。先以欲鉤。率後令入佛智也。根本律云。或願人間。或求天上。勤修梵行者。得生人天。暫受快樂。彼命終後。入地獄中。是故當求涅槃。以修梵行。勿樂人天。而致勞苦。律攝云。險途有二。一是生天。二是惡道。雖復生天。受諸勝樂。報盡之後。還墮惡趣。是則人天非所當欲。又戒喻以足無遠不至。義在深幽。謂戒足不可毀。故毀則人天尚不能生。何況涅槃。又復具諸戒行。乃是上品正因。往生淨土。於一念頃。親近供養他方十萬億佛。逮至本國。聽聞妙法。如是不可思議神足力。皆由護戒無損之所致也。如御入險道。失轄折軸憂。毀戒亦如是。

死時懷恐懼

釋 此一頌上二句設喻下二句示知過患也。前頌中引律但約人天名為險道。今單指三塗為險道。軸乃車輪之轉軸。轉是軸頭之鐵。死時自知破戒必墮惡道。猶如險道中途失轡折軸。恐怖惶惶無依無救也。行願品云。關閉一切諸惡趣門。開闢人天涅槃正路。實由嚴持禁戒之功能也。

如人自照鏡

好醜生欣感

說戒亦如是

全毀生憂喜

釋 此一頌上二句設喻。下二句顯戒完闕也。如人以鏡自照。其面容端則欣喜。貌陋則憂感。今正說戒之時。聞已當自反觀。思察所受持戒。其間若全淨無瑕。則內懷欣喜。外不愧人。若有所毀污。則內生憂感。外耻於他也。

如兩陣共戰

勇怯有進退

說戒亦如是

淨穢生安畏

釋 此一頌上二句設喻。下二句明戒得失也。如兩陣共相交戰。勇者奮而前進。怯者畏而退縮。今

衆集說戒。正與煩惱魔軍共戰。戒淨則堅持之力勇猛。與衆同居。身心俱安。戒穢是受行之志怯弱。雖與衆居。情色實畏。不能降伏煩惱魔軍。返被煩惱所勝也。

世間王爲最

衆流海爲最

衆星月爲最

衆聖佛爲最

一切衆律中

戒經爲上最

如來立禁戒

半月半月說

釋 此前一頌舉喻。歎德也。凡受比丘戒者。名曰大沙門。梵語摩訶此翻云大。而大含三義。一者大天人中尊。故二者多。富有福慧。故三者勝。超諸外道。故所以佛言於天人魔梵沙門婆羅門衆中。釋子沙門最爲第一也。今初句卽約大喻。歎次句卽約多喻。歎第三句卽約勝喻。歎第四句總約大多勝喻。歎後一頌正以法合一切衆律中戒經爲上最者。謂諸世間之國禁及外道等之邪宗亦各有律。不能令人脫離出界。唯佛律乃能救濟衆生。超凡入聖。又佛律中之五戒八戒十戒亦不如比丘具足戒。又定共道共戒亦不如波羅提木叉戒根

本律云諸佛證菩提獨覺身心淨及與阿羅漢咸由律行。成三世諸賢聖。遠離有爲縛。皆以律爲本。能至安隱處。故云一切衆律中戒經爲上。最所受之戒律上最而令能受之者亦成最也。如來立禁戒者。此顯戒唯佛制。非餘所堪。如國家賞罰號令。必從王出。臣下僭越。庶人不信。敗亡無日。佛法亦爾。若容他說。羣生不奉。法不久住。是以禁戒唯佛自立也。半月半月說者。以黑白半月用表善惡。二業欲黑盡而白圓。又白表智德黑表斷德。故立此一定之期限。說戒根本雜事中。佛言我令汝等每於半月半月說波羅提木叉者。當知此則是汝大師是汝依處。若我住世無異也。

△此明戒序分爲四釋

諸大德我今欲說波羅提木叉戒。汝等諦聽。善思念之。若自知有犯者。即應自懺悔。不犯者默然。默然者知諸大德清淨。

釋 諸大德我今欲說波羅提木叉戒者。此乃標宗立體告衆令知。今說戒時至各當攝持三業。慎

其散亂也。大德如前釋是律語。尊稱波羅提木叉。此翻別解脫律。德云別解脫者。由此別解脫經。如說修行於下下等九品諸惡。漸次斷除。永不退故。於諸煩惱而得解脫。故名別解脫。又云保解脫。謂戒淨絕瑕。發生定慧。如來保任。必證涅槃。故汝等諦聽者。誠令諦實而聽入於語義。以成聞慧也。善思念之者。謂當如思義。憶念勿忘。以成思慧也。既聞思擇義。當去其不善。擇其善者而修之。以成修慧也。若自知有犯者。即應自懺悔。謂染淨自知。豈可覆藏。若有所犯罪事。未曾向他發露求悔。於此說戒時。即應自言罪懺悔。已仍九聞戒。不難於衆。勿俟他舉。而令遮聽懺悔者。懺名修來悔。名改往。往日所作惡而惡之。故爲悔也。往日所棄一切善法。今日以去。皆願勤修。故爲懺也。棄往來合名懺悔。不犯者默然。不犯謂一往本無所犯。或犯即說悔。已當一心靜默。至誠而聽。默然者知諸大德清淨。謂僧衆清淨。和合。理應如律。如法說戒也。若有他問者。亦如是答。如是比丘在衆中。乃至三

問憶念有罪不懺悔者得故妄語罪故妄語者佛說是障道法

釋 若有他問者亦如是答謂如餘時中被他舉問實答此說戒時問亦應如實答如是比丘等者比丘指犯罪之人衆中謂現前所集清淨僧衆三問是令語詞圓滿離廣略故略則闕鈍者卒難知覺無慚者不生悔心廣則恐延時久令衆坐倦所以律制作法唯三問也若憶念有罪而不發露懺悔得故妄語罪然雖不言由現身相表語業故縱曾有犯今不憶知此則無妄語罪於一一問中隨憶得罪若三問三憶得三妄語罪障道法者佛說故妄語障初禪乃至四禪障初果乃至四果障涅槃之道也

若彼比丘憶念有罪欲求清淨者應懺悔懺悔得安樂

釋 此謂若具慚愧比丘憶念有罪欲求戒身清淨理應自言懺悔非畏他詰問治罰而露說懺悔得安樂者身心寂定煩惱不侵爲之安遠雖過非

獲證道果爲之樂也

諸大德我已說戒經序今問諸大德是中清淨否三諸大德是中清淨默然故是事如是持

釋 此乃結問也戒經序者謂此爲二百五十別解脫經之由緒以此爲先者能令餘說得生起故是事如是持者持是了知義已三詰問衆皆清淨由其一衆清淨默然故此事我今如是了知堪爲宣說戒經也

誦此戒序及次第誦戒相畢復總結云

諸大德我已說戒經序已說四波羅夷法已說十三僧伽婆尸沙法已說二不定法已說三十尼薩耆波逸提法已說九十波逸提法已說四波羅提提舍尼法已說喪學法已說七滅諍法此是佛所說半月半月說戒經中來若更有餘佛法是中皆共和合應當學

釋 此文結前勸修也謂非但半月半月和集一處聽說戒法嚴持無犯而已更有諸遠度內所制等法及修多羅阿毗曇定慧之法於是中皆共精

習乃比丘應當學者彼此和合策勵勤修庶幾增
戒增心增慧也

△此明七憍僞

忍辱第一道 佛說無為最 出家惱他人

不名爲沙門

此是毗婆尸如來無所著等正覺說此戒經

釋 忍辱者以其內心能安方可忍外所辱之境

忍有二種一生忍二法忍生忍復二一謂於恭敬

供養順情境中能忍不瞋則不生憍慢二謂於瞋

罵打害逆境中能忍則不生忿恨怨惱是爲生忍

也法忍亦二一者非心法謂寒熱風雨饑渴老病

死等二者心法謂瞋恚憂愁怨欲憍慢等若於此

二法能忍不動是名法忍也復以正慧觀察生法

性空忍不可得苦空無我執爲忍若忍辱既空無

生現觀便證涅槃此忍辱是涅槃之捷徑故名第

一道無爲即涅槃爾湛然常寂無所造作超絕有

爲之境超度生死之流更無有法勝於此者故名

爲最妙門者阿含經云捨離恩愛出家修道攝御

諸根不染外欲慈心一切無所傷害遇樂不欣逢

苦不悲能忍如地故號沙門若出家不行忍辱而

反怨報惱於他人則違無諍之道豈稱沙門之行

欲得第一道當不惱他人欲希無爲樂當具沙門

行所以忍辱是出世之因無爲是出世之果慍他

人是生死之因非沙門是生死之果善惡兩彰淨

穢齊舉其有智者應擇而趣之此是毗婆尸等者

上明所說之法此明能說之佛也三世諸佛皆有

通別二號毗婆尸乃別號如前釋如來無所著等

正覺乃通號梵語多陀阿伽度此翻如來梵語阿

羅訶此翻應供亦翻無所著梵語三藐三佛陀此

翻正徧知亦翻等正覺此略十號之三也於後六

佛釋號准知不繁

譬如明眼人 能避險惡道 世有聰明人

能遠離諸惡

此是尸棄如來無所著等正覺說此戒經

釋 上二句舉喻下二句法合爾世間若有聰慧

之者能信佛聞法正見現前卽知是道非道非道

乃六趣險途。是道謂入正平衡險途。由不善所惑。平衡精勝。勝所陷。故須遠離諸惡。因務修出世要。終抵涅槃常樂之處。譬如明眼之人。前境昭昭。不隨險難之徑。遠諸怖畏。而終至安隱之處也。諸惡謂三界見思無明等惑。尸棄如來通別二號。如前所釋。律攝云。尸棄佛出現於世。諸聲聞多為生天而修梵行。希求後世受天妙樂。爾時彼佛為欲對治弟子。來說此略教。

不勝亦不嫉 當奉行於戒 飲食知足足
常樂在空閑 心定樂清進 是名諸佛教

此是毗舍離如來無所著等正覺說此戒經

釋 勝是口業。嫉是意業。欲離此二。當奉行於戒。戒淨則三業頓捐。何患口意之不清淨。飲食屬口。常樂屬意。知足則息妄。求空閑則諸念自寂。由是心澄入定。起慧斷惑。唯樂精進。頭陀乃能空閑。若是不閑。若寂靜之處。依此處而勤修定門。必獲聖果。三世如來問斯軌。祇以教弟子。故云是名諸佛教。此佛通別二號。准前釋。

譬如蜂採華 不壞色與香 但取其味去
比丘入聚然 不他事 不觀作不作
但自觀身行 若正若不正

此是拘留孫如來無所著等正覺說是戒經

釋 喻遊蜂採華。但持藥味而去。不壞華之色香。如比丘入聚落乞食。時亦然。不違戾他事。違是違背。戾是乖戾。謂比丘乞食。趣得資身助道。隨施而受。知足而歸。勿以過求。戾他。壞彼淨信。敬心正同。蜂採華不壞色與香。也不觀作不作。謂既不戾他。亦莫觀人得失。以亂身心。妨修道業。但自觀身所行而省察之。若自無非。則身淨端。設有過。則行穢。譬故云。若正若不正也。此佛通別二號。准前所釋。律攝云。拘留孫佛出現於世。諸聲聞衆多希利。獲慢於善品。為遮彼故。說斯略教。

心莫作放逸 聖法當勤學 如是無憂愁
心定入涅槃

此是拘舍含牟尼如來無所著等正覺說是戒經

釋 由不放逸。故能勤學聖道。由學聖道。故令憂

情之惑能除。由除憂惱等惑。故心寂靜而入正定。由得定故。證涅槃而樂無爲。此乃斷集修證滅也。若心放逸。造集惡因。則招憂愁之苦。果若不修。道見諦證滅。雖獲定心。而煩惱未除。仍輪三有憂苦。焉脫此佛通別二號。如前釋。

一切惡莫作 當奉行諸善 自淨其志意 是則諸佛教

此是迦葉如來無所著等正覺說是戒經

釋 一切惡者。謂三毒煩惱發生身口所造性惡等罪。諸善者。謂三十七品及一切法門。誠惡莫作。此令以戒防禁七支三毒性業。遮業皆得清淨。勉善奉行。此令增修三學。廣積衆善。梵行圓成。利己濟他。自淨其志意者。謂依持木叉。修習禪定。發真無漏智慧。破諸邪倒。了妄無生心。本自淨離染垢。相一切皆空。故云自淨其志意。法海雖廣。此三攝盡三世如來隨機濟物。不異於斯。故云是諸佛教也。此佛通別釋號。進前。

善護於口言 自淨其志意 身莫作諸惡

此三業道淨 能得如是行 是大仙人道
此是釋迦牟尼如來無所著等正覺於十二年中。爲無事僧說是戒經。從是以後。廣分別說諸比丘。自爲樂法樂沙門者。有慚有愧。樂學戒者。當於中學。

釋 諸佛出世觀機設教法。非一定釋尊出此五濁惡時。人多好諍不護口言。及濁心垢重。縱無現境。而憶昔所經事。發起欲思。造作身業不善。是故如來誠之以次第。防之於未萌。若能如是善護。自淨不作。卽三業清淨。十善道法成就。然此十善道法。若人天聲聞緣覺菩薩諸佛。無不依之。故云是大仙人道。如來爲天中天仙中仙人中尊。故稱大仙人也。釋迦如來通別二號。已釋於前。於十二年中。爲無事僧說是戒經者。無事僧謂不犯戒也。如來成道五年。已前衆僧皆知足修行。無事可犯。無戒可制。但拈大意而略訓之。從是五年以後。僧中有漏法生。爲斷彼有漏法。故乃廣結二百五十戒法。於間復有根本從生。開遮輕重。是比丘所受持。

者而言十二年中以聲聞藏攝阿含教其阿含總
談十二也。自為樂法樂沙門者法即戒法。持持
戒是沙門無漏之因。證阿羅漢是沙門無漏之果。
若因不具則果無從立。故云樂法樂沙門也有漸
有愧樂學戒者。漸者內自羞耻愧者發露向人。世
間若無慚愧二法。悉皆遠越清淨聖道。趣向諸惡
險途。然此波羅提木叉戒。非無慚愧惡癡之人而
能堅信樂學。當於中學者。謂當於此二百五十別
解脫律儀及七佛略戒經中。精習勤修。謹護無違。
以度生老病死之大苦患。亦不墮啞羊之謂也。

此明卷末回向頌分第六

明人能護戒 能得三種樂 名譽及利養
死得生天上 當觀如是處 有智勤護戒
戒淨有智慧 便得第一道

釋 前一頌是世間因果。後一頌是出世間因果。
舉世間而彰出世間也。明人者謂了達三途因果。
業所招人天樂境。由善業所感。故當捨惡修善。戒
乃衆善之本。唯明達者能護。非愚迷不別因果者。

堪持三種樂者。一名二譽三利養。是現在華報之
樂。死後得生天上。是未來果報之樂。名謂稱德譽
謂讚美。利養謂四依聖種。謂能如律奉持之人。戒
香芬馥。遐邇普聞。四事助道。不求自至也。當觀如
是處者。謂世間樂果無戒。尚不能獲。則出世聖道。
豈離於戒。有智之者。應精勤嚴護。所受之體。皎潔
絕瑕。諸有可超。故云戒淨有智慧。便得第一道也。
如過去諸佛 及以未來者 現在諸世尊
能勝一切憂 皆共尊敬戒 此是諸佛法
若有自為身 欲求於佛道 當尊重正法
此是諸佛教

釋 前一頌半舉諸佛共成道以證之後一頌示
欲求佛當重正法以勸之。能勝一切憂者。一切煩
惱諸惑結縛。衆生故名。憂三世如來皆尊奉波
羅提木叉淨極。明破盡諸惑而大解脫。故名。為
勝自為身者。謂專為此身超越生死。求於佛道。非
希暫樂。以持戒品。此中意旨幽遠。揀非二乘別解
律儀。乃令究竟戒性。故學者切勿錯其宗趣。自陷

偏小之坑狂者速宜自責反省以雪譴貶之罪縱然勝現是小意本實誘歸大況乎戒海無涯量同太虛隨物受益等施無二根器雖有大小之殊法無廣狹之別欲脫二死之深淵早投一真之彼岸庶得自爲不乖求佛有冀矣正法即戒法所謂有業病磨說戒則正法不滅世間以戒是苦海舟航涅槃徑路不同外道邪僻之律輪王十善治世之術故此佛戒特名曰正法也

七佛爲世尊

滅除諸結使

說是七戒經

諸縛得解脫

已入於涅槃

諸戲永滅盡

尊行大仙說

聖賢稱譽戒

弟子之所行

入寂滅涅槃

釋 前一頌半謂諸佛弟子奉持戒經得脫諸縛已入涅槃故事以證之後一頌謂今佛弟子尊佛所說依戒修行便獲涅槃果樂故示以勸之諸結使者謂諸煩惱驅使行人心神流轉三界不得解脫故云結使略則十使廣則八十八使乃至八萬四千塵勞也七佛爲世導師爲欲滅除諸弟子結

縛故乃說此戒經弟子奉行則諸煩惱結縛因斯解脫證無生果已入涅槃一切有無戲論永滅盡矣七佛大仙所說之經是一切賢聖所讚之戒今凡爲佛弟子者能如教修行則無不證入寂滅涅槃者也寂滅涅槃是華梵雙舉

世尊涅槃時

興起於大悲

集諸比丘衆

與如是教誡

莫謂我涅槃

淨行者無護

我今說戒經

亦善說毗尼

我雖般涅槃

當視如世尊

此經久住世

佛法得熾盛

如是熾盛故

得入於涅槃

若不持此戒

如所應布薩

喻如日沒時

世界皆闇冥

釋 初一頌明佛垂誨也如來說法四十九年化緣已畢垂將涅槃重以戒法願命弟子殷懃付囑示誨諄諄是知此戒誠爲佛法之元基慧命之正脈成聖之保任利生之要軌苟不頂戴受持豈但自甘汨沒生死海抑且有事如來付囑念當思慈誨奉遺法而忘驅策進信志敬木叉而盡辭是爲知恩報恩者莫謂我涅槃乃至如是熾盛故得入